




საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალექსი-მესხიშვილი გოგი ვლადიმერის ძე



გ. ალექსი-მესხიშვილი

ალექსი-მესხიშვილი გიორგი ვლადიმერის ძე (დ. 2. III. 1941, თბილისი), სცენოგრაფი, ფერმწერი. საქართვ. სახ. მხატვარი (1988), სსრკ სახელმწ. პრემიის ლაურეატი (1979).



გ. ალექსი-მესხიშვილი. ესკიზი ფარაჭანოვის ფილმისთვის აშული ქრიბი, 1987

დაამთავრა თბილ. სამხატვრო აკადემია (1967). შოთა რუსთაველის სახ. თეატრისა (1977-იდან) და 8. ფალიაშვილის სახ. ოპერისა და ბალეტის თეატრის მთავარი მხატვარი (1986-იდან). გააფორმა სპექტაკლები: ტ. უილიამზის „შუშის სამხეცე“ (1970), ა. სუმბათაშვილის „ღალატი“ (1974), ბ. ბრეხტის „კავკასიური ცარცი წრე“ (1975), მ. შატროვის „ლურჯი ცხენები წითელ ბალაბზე“ (1980), პ. კალდერონის „ცხოვრება სიბმარია“ (1992) - რუსთაველის სახ. თეატრში; ჭ. იოსელიანის „ტაკიმასხარა“ (1973), ლ. თაბუკაშვილის „ძველი ვალსი“ (1978), ჩ. დიკენსის „დიდი იმედები“ (1979) - კ. მარჯანიშვილის სახ. თეატრში; გ. ყანჩელის „და არს მუსიკა“ (1984), გ. ფალიაშვილის „აბესალომ და ეთერი“ (1986), ჭ. ვერდის „ბალ-მასკარადი“ (1988) - გ. ფალიაშვილის სახ. ოპერისა და ბალეტის თეატრში; უ. შექსპირის „როგორც გენებოთ“ (1981) - დიუსელდორფის დრამატულ თეატრში; მ. ჭავახიშვილის „ჭაყოს ხიზნები“ (1983) - მოსკ. სამხატვრო თეატრში; მ. შატროვის „ბრესტის ზავი“ (1988)

- მოსკ. ა. ვახტანგოვის სახ. თეატრში და სხვ. მუშაობს ინტერიერისა [გობელენი (1985, კომპოზიტორთა დასასვენებელი სახლი, ბორჯომი), პანო (1987, თოჭინების ქართული თეატრი, თბილისი)] და კინოს გაფორმების დარგში - „ახალგაზრდა კომპოზიტორის მოგზაურობა“ (1985), „აშიკ-ქერიბი“ (1988; 1989 მიენიჭა ევროპის კინოს პრიზი „ოსკარი“) და სხვ. ნამუშევრებში ვლინდება თანამედროვე მხატვრული აზროვნება, ძდიდარი ფანტაზია, მაღალი ფერწერული ოსტატობა.

ქ. კინჩურაშვილი
